

Sarkina Bt Mat Saad @ Shaari

From: Unit Komunikasi Korporat
Sent: Wednesday, August 1, 2018 9:58 AM
To: UUM - All Staff; UUM - All Students
Subject: AFLES 2018 Platform Pupuk Pemimpin Masa Hadapan



Unit Komunikasi Korporat
CORPORATE COMMUNICATION UNIT
Universiti Utara Malaysia

1 OGOS 2018 / 19 ZULKAEDAH 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

AFLES 2018 PLATFORM PUPUK PEMIMPIN MASA HADAPAN



UUM ONLINE: The 6th Asean Future Leaders Summit (AFLES) menjadi platform kepada pelajar universiti negara ASEAN dalam melahirkan pemimpin masa hadapan.

Penolong Naib Canselor COB, Prof Dr Haim Hilman Abdullah berkata, beliau yakin delegasi AFLES terdiri 180 pelajar universiti negara ASEAN ini boleh menjadi pemimpin negara pada masa hadapan sekiranya mereka saling kompetitif dan mampu meluaskan jaringan dengan rakan baharu menerusi program tersebut.

Menurutnya, AFLES menjadi medan dan batu loncatan untuk menyemai inspirasi, pengetahuan dan memperluaskan rangkaian kepada pemimpin muda untuk membantu mereka memimpin komuniti di negara masing-masing.

"Universiti kini bukan semata-mata tempat untuk belajar, sebaliknya ia adalah tempat untuk mengembangkan minda dan memerlukan keseimbangan antara pembelajaran dan pendedahan kepimpinan.

"Semua peserta ini perlu mengambil peluang diberikan menerusi AFLES untuk memupuk kerjasama tanpa meminggirkan rakan dari mana-mana institusi atau negara walaupun berbeza budaya," katanya ketika menyambut lawatan delegasi 6th AFLES di Pusat Konvensyen, semalam.

Dalam lawatan itu, peserta bersama Penasihat AFLES, Prof Madya Dr Anees Jani Ali telah dibawa melawat sekitar kampus termasuk Anjung Tamu, selain berpeluang bermain go-kart, sebelum mereka ke Hatyai, Thailand pada sebelah petang.

Prof Dr Haim Hilman turut mengalukan peserta AFLES untuk melanjutkan pengajian di peringkat Sarjana dan Doktor Falsafah (PhD) di UUM yang terkenal sebagai antara universiti pengurusan terkemuka dan terbaik di rantau Asia, selain menerangkan pencapaian dan kedudukan terkini UUM dalam QS World University Rankings.

Seramai 180 pelajar universiti negara ASEAN menyertai AFLES 2018 yang bukan sahaja dipenuhi aktiviti kepimpinan, ceramah dan latihan selama 13 hari, malah mereka juga dapat meningkatkan dan memperbaiki kemahiran insaniah masing-masing.

AFLES merupakan anjuran Akademi Kepimpinan Pendidikan Tinggi (AKEPT) dengan kerjasama Universiti Sains Malaysia (USM), Universiti Teknologi Mara (UiTM), Prince of Songkla University (PSU), Thailand dan UUM melalui Pejabat Pembangunan Pelajar dan Alumni (PPA COB) yang mana merupakan rakan strategik Jawatan Kuasa Penganjur AFLES di peringkat UUM sejak 2016.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.